

陽春縣志卷之十一

列女 命婦 女仙附

昔劉子政傳列女凡賢母才女皆錄之范史亦曰按女次才行尤高秀者不必專在一操後世志乘非節烈弗書失其意矣魏文貞願為良臣不願為忠臣婦之以節烈見也婦之不幸也然而精誠所致鼎鑊可蹈而身不可辱金石可鑠而志不可渝至於霜為之隕城為之摧與烈丈夫並觥觥焉其所以感人心厚風俗者為效甚大故曰王化起於閨門若夫割股刲臂之類雖

朝廷旌獎所不及亦有心者所宜表彰也區明風烈以昭管彤荀采著以瑜妻趙娥繫之龐母例衷諸古蓋非創云

明

陽春縣志

卷十一

列女

大馬站大同新記承印

汪漢妻

謝榮妻

汪雲桐妻

以上祀節烈祠

吳梓妻

賴應璧妻

賴欽堯妻

楊巽繼妻

國朝

黎永成女

劉家壩妻

馮秀生女

嚴璉妻

謝待聘女

柯光浩妻

以上祀節烈祠

黃守現母

蔡裔稷妻

梁儼妻

張廕晃妻

殷昇妻

黃允升妻

黃啟正妻

梁鉅妻

黃積符妻

黎雲錦妻

黃儒清妻

林士登妻

劉裔燧妻

鄭名鑑妻

蔣崇彪妻



黃守璣妻

楊林妻

梁餅妻

劉雲澤妻

柯大楹妻

李鼎鐫妻

陳銘璞妻

謝思毅妻

曾位妻

莫介人妻

呂允升妻

梁廷鏘妻

揭友瑛妻

陳瑞志妻

李尙修妻

馮達元妻

龍光妻

劉家煥妻

張作暉妻

張祖琛妻

劉啟鐘妻

劉宗涓妻

劉宗汝妻

劉世木妻

劉世培妻

李石麟妻

李學仁妻

區兆龍妻

子俊妻孫際常妻附

黃章漢妻

黃于幹妻

陳祖肇妻

夫弟祖昂妻附

劉宗潢妻

劉宗漸妻

黃于站妻

李魁傳妻

子家珍妻附

劉世桐妻

李若材妻

柯上堉妻

子儒鴻妻附

袁昌建妻

謝翔鳳女

劉世愷女

李楫妻 子婦梁附

吳昭智女

劉宗深妻

吳國賢妻

黃秉揚繼妻

陳達才妻

閑惠斯妻

王成珍妻

王慶元妻

周奇妻

謝方端

梁文嫻

礪作檸妻

謝錦文妻

謝能捍妻

鄧世昌妻

袁紹錄妻

陳如琨妻

吳昭純妻

鍾元伯女

王定傳妻

汪修本女

林宜漢妻

藍達綱妻

蕭華濤妻



王成震妻

蕭煥然妻

鄭權卿妻

張文佳妻

曾宏鴻妻

周士吉妻

陳正元妻

劉宗灤妻

張朝琴妻

王定集妻

黃于楠妻

李果妻

藍映鈇妻

龍湧洛妻

黃修獻繼妻

黃于廷妻

黃天可妻

黃于北妻

謝榮昌妻

龍會雨妻

梁柏妻

黃紹平妻

呂端惠妻

劉宗涑妻

劉世模妻

劉世堯妻

賴文元妻

曾敬達妻

何瀚妻

陳嗣裘妻

嚴在惠妻

嚴居華妻

吳昌儀繼妻

黃其溫妻

楊榮妻

黃天培妻

梁文綱妻

王成武妻

子肇錫妻附

陳學聖妻

陳煜妻

黃敷坤妻

吳滋薰妻

林自儒妻

梁燁中妻

程志華妻

敖福女

李若樂妻

李淮女

閑天德妻

黃宣憲女

黃天詩妻

劉蒂惠妻

劉蒂宣妻

吳茲文妻

陳達邦妻

明

福山令汪洪妻鄧氏城南人也正德中英為邑諸生西山賊攻陽春城擄鄧欲污之不屈罵賊死年三十四



輪水謝榮妻岡尾李其華女也年十七歸榮逾三年鄰寇劫輪水李引刀自刎未殊賊奪其刀李嚼舌唾罵賊乃殺之

汪雲桐妻林氏年二十四孀守家甚貧矢志靡他撫孤宏燦有成崇正四年巡按高欽舜題疏建坊旌之

吳梓妻嚴氏女也年二十六而寡甘貧撫幼誓不他適年逾六十卒冰清玉潔無瑕可議

庠士賴應璧妻六安州牧胡秉忠長女也年二十五喪夫家無擔石紡績爲生姑多病溫清營藥克盡婦道姑歿喪葬以禮子演疇邑庠生洪疇歲貢生孫賓國亦邑諸生

賴欽堯妻者黎氏女也欽堯以父秋榮仕於湖廣往省焉輕雲霧河溺死時黎年十八有娠遂矢節目不窺戶外奉舅姑以孝聞遺腹子

一貫孫聖詔俱在庠天啟崇正間邑令錢兆元毛文沛並以綽楔旌之壽八十四

陽春所千戶楊巽繼妻朱氏女也明季盜羅成耀攻陽春城巽死於難語在人物傳時朱年二十六無所出矢志勵節撫巽前妻所生子公俊公亮以明經文學知名於時

### 國朝

黎永成女者流涌村人也幼字梁汝高未于歸汝高故黎聞計數瀕死轉念舅姑在強留其身姑歿奔喪明年舅亡喪葬盡禮常設夫位於房目不窺戶歷數十年如一日

庠生劉家埔妻生員黃守琨女也十七歸相埔埔善病翁又嬰痼疾黃侍湯藥寒暑無間夫病十載死時長子鉉甫離襁褓未幾產遺腹



次子鏞勵節數十年內外嚴肅二子以明經國學著蓋由母教云康熙五十二年 旌

馮秀生女年二十有嚴宜信者突犯以非禮馮噙斷其髮辨鳴里鄰訴諸官猶忿甚粹自投於河救之不及遂死雍正十一年 旌

冲垌鄉處士嚴璉妻容氏女也年二十九夫故時翁姑在堂藐孤在膝欲殉而義不可死既而孤子不祿祇生一孫容暨寡媳教育辛勤俾其孫顯成立有聲譽序青年矢志中歷轍珂艱苦百端卒以全操乾隆十七年 旌

監生謝待聘女許字黃中和諸生勸圻仲子也年十八聞中和歿即白其父欲往守節弗許則誓死乃聽之徒步之黃號慟欲殉姑婢媼媪媪伺之不得死已而嘆曰姑老矣詎可令更缺一子婦侍奉耶爰

屏膏沐結縷以養姑病待湯藥六閱月弗懈以夫兄敬章子天沛爲嗣貞守三十三載乾隆戊寅 旌

城北柯光浩妻梁源女歲貢生材之孫女也十九于歸三載姑歿遺兩幼叔竭力護恤之越四載而哭夫矢志從一翁得痢疾醫云螞蟻血可療時冬月獲螞無血梁置螞於盆就以臂使飽其血以付醫而翁卒不起梁喪葬盡禮年五十五卒嘉慶二十四年 旌

按烈女生卒之年多不可攷末由悉序其先後其得旌且祠祀者則列於前崇

盛典也

生員黃守現母者林氏之女也年二十七夫仕登歿林撫幼子拮据勞瘁教以義方時鄉難頻興林處之得宜卒無恙



生員蔡裔稷妻崔氏年二十四夫亡甘貧守節貞靜勤儉族黨無間言舅姑喪葬一準于禮教子如鑑登爨序有聲卒年八十  
庠生梁儼妻學博黃守誼女也儼亡時黃年二十五子宜中甫三歲節勵冰霜動循禮法足不出戶鄰婦莫識其面課宜中餼于庠猶督教不輟云

張廢晁妻嚴氏年十八于歸生男鑑五齡而廢晁卒誓不他適事姑愈敬順善處妯娌間教遺孤有賢母風其貞孝出於天性

殷昇妻梁氏年十六歸昇事舅姑孝謹二十夫亡哀毀欲殉姑舅以撫孤爲重諄勸之乃已紡績食貧守志不二

高洞村黃允升妻韋氏之女也年十八歸黃越三載而媼遺孤孑然鄰嫗憫其貧勸以他適韋正色拒之矢節三十餘年衣食皆資紡績

儒士黃啓正妻劉家琯女也啟正嗜學能文劉十七于歸挑燈伴讀逾年夫死無嗣劉慘不欲生既而以似續爲大乃先擇嗣子次營夫墓蕭然四壁誓節靡他舅姑繼逝殯葬盡禮

梁鉅妻者莫宇霖女也十八適鉅生子四齡而鉅捐館老姑在堂莫以婦代子力營殯葬足不踰閭族子欲見猶不可得訓孤旣冠補諸生旋夭遺孫七齡借媼撫之境彌艱節彌著焉

黃積符妻楊擬捷女白水村人也十七而效鸞飛二十而啼鏡影家徒壁立白首完貞

南鄉都黎雲錦妻張貫日之女也年十六于歸二十二而夫故貞潔性成無舅姑叔伯榮榮子立安貧紡績易米而炊克全婦節

黃儒清妻生員吳聚吉女也年二十儒清不祿屬纊時張目視吳吳



以柏舟許之儒清曰如後嗣何曰嫡姪猶子也爰定繼嗣孀居數十年妯娌亦罕覩其面

林士登妻陳氏年十五于歸十六一乳生二男十八而士登歿舅繼亡陳日事孀姑撫幼子菽水無虧和熊有法子文忠文恕甫冠聯鑣庠序人稱苦節之報

劉裔燿妻處士黃守珩女生員劉家塚母也十九孀守歷四十餘載人無間言值時事滄桑蒼黃逃竄卒能保家無恙訓子有成歿年六十七

鄭名鑑妻邑庠黃銓恭女也年十七歸名鑑舅姑尋歿逾年夫殯苦歷三喪身有遺孕越四月產一子黃泣曰天乎垂憐夫不絕後矣爰謝鉛華却櫛沐含涕茹苦貞操克完

蔣崇彪妻黎氏年十五于歸十九夫逝家貧無子事姑曲盡婦道里中無論賢愚靡不聞而起敬

黃守燾妻生員吳志尚女也年十九而娶孤生僅兩月上有孀姑時鄉寇劫掠吳奉姑與子婦遷經營孝養勤儉致裕嘗教子曰貧而能約富而能濟古之道也子純武甫冠游於庠善體母志捐金賑飢代窮乏者償夫喪之費縣尹朱以惠及桑梓旌其閭

明經楊林妻生員梁薦女也年十八而司中饋二十九而矢柏舟持家井井有條言不出柵訓二子竝以文學著聲

庠生梁辨妻諸生莫君偉之女歸餅四載遽失所天遺孤二齡舅姑垂暮茹苦以供菽水折屨而訓義方闔閭肅然始終無間

南廂都劉雲澤妻賴氏孝事翁姑年二十三夫逝世喪葬盡禮家貧無



倚紡績以撫遺孤性嚴介鄉評翕然

城東柯大楹妻生員梁恒昇女也二十于歸未幾夫殞止遺一女  
熒貞守四十餘年以猶子承祧和熊以教

李鼎鐫妻南鄉都謝氏女也年二十一歸鼎鐫產一子閱三年夫故  
苦節自持言笑不苟婉事舅姑人稱其孝

城西陳銘璞妻區氏年二十適陳二十六喪夫家貧如洗內外蕭然  
辟繡紡績事舅姑撫幼子盡瘁無缺後其子伯聚家道有成殆母節  
所致云

輪水謝思毅妻陽江貢生蘇翰侯長女也二十于歸四載夫歿家徒  
四壁屏綉華業對翁以事舅姑于進年十七補邑請生旋得癰疾蘇  
竭力醫調拮据數十年是苦節而孝慈兼盡者

曾位妻謝氏廩生煥芳女年十七適位位以赴試卒于郡城遺一子  
家素貧且姑首舅殘喘曾養謝幼勞盡禮菽水能供年六十戚友未  
嘗一覲其面子尚琛登府庠

莫介人妻梁氏城西人吏部應材次子明經燿之女也于歸四年而  
夫逝孤幼多病五歲不能行梁上事舅姑下訓弱子冰霜勵節勞苦  
備嘗壽八十九

東安學博呂允升妻系出于陳舉人呂永光祖母也允升卒于任無  
子陳矢志爲夫立繼先居東安後遷陽春

梁廷鏞妻生員黃成玉女年二十六廷鏞故遺腹產子英江紡績事  
尊鞠幼旣而舅姑相繼歿夫弟廷錕始生五月黃喪葬盡禮保錕如  
子未幾子英江夭黃慘甚念錕在梁宗不絕如綫乃忍死辛勤教養



俾至於成人節苦而貞無如黃者

生員揭友瑛妻汪演念女也演念故庠士汪以儒家女年十八歸揭逾年夫故哀慘幾絕已而嘆曰夫瀕卒時不嘗囑我乎吾不能終事親吾死其勿哭哭而致益吾親悲是重吾抱疚九原也且似續大事姑留此身以慰泉下人乎乃立夫兄友琮子爲嗣教之成立居舅喪不少踰禮姑九十倍加愛敬子元昂能文章

陳瑞志妻李廷佐女也十六歸于陳生一子瑞志貿易佛山瀾新橋死喪歸李時年十九喪次常以巾覆面既葬足不踰閭未幾夫兄瑞志又故李藉女紅爲活朝夕恒匱未嘗出怨言子開五就外塾督課甚嚴遂入泮

李尙修妻林氏年二十三夫故遺二孤林茶蘖備嘗二子旣授室皆亡撫育三孫教養婚配皆林拮据成之乾隆十八年以老婦仰邀

恩賞其苦節尤足風世云

監生馮達元妻處士陳翰英次女也年十九歸馮二十三而寡無子陳辟繡以給朝夕事翁姑以孝聞鞠繼子以慈著完節清操白首無玷

庠生龍光妻張氏年二十二夫亡欲殉勸之者曰翁姑老子在抱一死畢乃事乎張然之家極貧或疑以不能終守張聞痛哭志愈烈翁姑年俱八十子思廣讀父書張以壽終

以上見舊志

庠生劉家瑛妻梁氏十八歸於劉二十四而孀絕鉛華勤紡績守節二十年閨門有法婦道無虧



張作暉妻者楊氏女也二十四寡居無子矢從一之義三十二年人無異議

張祖琛妻李氏女也年二十一于歸二載夫歿無子家貧事老翁撫幼叔俱能以禮

邑學生劉啓鐘妻梁氏之女年二十五夫亡勵志孀守事姑教子俱有禮法

武生劉宗涓妻吳天和女也于歸八載而宗涓故簪珥不飾撫二孤長出嗣夫兄次世標克家成名吳冰潔三十載而卒

劉宗汝妻進士梁作文女也作文爲遴壻得宗汝歸之寡時年二十七矢節二十五年稱於嫻族

諸生劉世木妻張氏二十歸劉閱五載而嫠足不踰閭日以養姑爲

事妯娌欽其節孝

劉世培妻黃氏十八歸世培逾年孀處無嗣而志弗渝事姑與祖姑生養死藏皆能盡禮

李石麟妻者照磨劉世桂女年二十二無子而寡日給甚艱終無他志夫弟庠生經邦止一子而石麟嗣不容廢因以承兩家宗祧焉

李學仁妻何氏之女也年二十六孀守現年九十有六猶日事女紅房族子姪亦不輕見一堂五代子孫曾元二十餘人節孝之食報如是云

生員區兆龍妻崔氏年二十七而寡誓不他適善事舅姑子俊娶於

黎黎年二十一生子際常而俊卒黎號泣幾絕與崔含淚撫際常際常娶於黃又早故三孀共守茹茶飲藥崔年八十八黎年七十七而



卒黃現存人稱一門三節

黃章漢妻張氏年十八歸黃未幾章漢歿無子張幾不欲生復念祖姑及翁姑在堂小叔一小姑三俱未成立毅然以養老撫孤爲己任其後三喪及姑叔昏嫁悉張典奩措措營辦孝而知義人尤以爲難監生黃子幹妻謝氏女也二十一夫故無子取猶子其榮入繼茹藥撫孤訓之成立年八十三卒於其子成都督捕府署

陳祖肇之妻生員楊坤之女也年二十一適陳一載而祖肇歿楊矢志立嗣夫弟祖昂娶黎氏女生子樹德甫三歲而祖昂又卒黎年二十六妯娌孀守同撫樹德以承兩家宗祏一門節孝邑人稱之黎現年八十二

廩生劉宗漢妻王氏女也漢赴鄉試卒於途王時年二十三遺一子

喪歸痛哭誓殉翁姑以撫繼諫乃己未幾子殤夫弟宗湘止一子世槐乃以槐之子士烜爲嗣孫王節凜冰霜雅善鼓瑟晚年常假絲桐以自抒忿懣云士烜游于庠

增生劉宗漸妻易象新女也嫁時年十九越十年宗漸遭父喪以哀毀卒遺腹一子易劬勞鞠育年七十三而卒孫士顯甫冠登巖序有聲

黃子站妻劉氏女也十九孀守無子兩夫弟方幼劉以嫂兼母紡績教養之俾克成立衆賣其祖所遺屋地得八十金析其半與劉劉以金買租八石爲祖翁姑墓田餘爲埋葬墳墓費是殆節孝兼全明於大義者

潭水李魁傳妻梁氏年二十四夫故遺一子旋殤梁矢志靡他姑年



八十得痿痺疾梁侍湯藥掖臥起不離左右繼子家珍娶翁氏女年二十六舉二子而家珍卒翁亦以梁之事姑者事梁焉梁年六十一一夕沐浴更衣入室端坐而逝翁年七十有二子才超國學生才焯武庠生

監生劉世棉妻黃于堂女也年十八歸世棉二十四夫亡祇遺一女黃矢死靡他守志立後事姑以孝謹聞姪士儒嗣黃教養成立孀守五十餘年人無異議

廩貢生李若材妻解元謝仲玩女也年二十九夫故清操自守妾陳氏遺腹生一子撫如已出居恆足不踰閭鄰里罕識面者

廩生柯上靖妻梁氏附貢生柯日燾之子婦也十八于歸二載姑歿五載夫亡孤兒未晬翁暮齒癯癯梁侍湯藥三年無間子儒鴻邑廩生娶陳氏女年二十七而寡梁以哭子故瀕死者數陳悉力調護寬解之撫孤孀守陳之事姑亦如梁之事舅焉

袁昌建妻藍氏女也年二十適昌建逾五載孀居養老撫孤終始一節

廩生謝翔鳳女者郡庠李文烺妻也翔鳳貧且多病及病革女憶侍父讀時聞有剗股療親者因割左臂肉以啖之父覺不忍食事舅姑亦有禮所生五子皆循分僉謂錫類之報云

劉世愷女幼締婚於蕭作樑年十八聞蕭計矢志不渝父母使人達其意於蕭蕭辭不獲迎之劉衰絰而往號慟幾不欲生事舅姑與祖翁以孝謹聞卒年四十三

李楫妻者韋觀光女也楫未娶病篤楫父知其不起議退婚韋父母



尚猶豫韋覺之語其嫂曰吾受李家聘即爲李家人矣議何爲者翁聞感其意娶之歸甫十七日而楫卒時韋年十八毀粧痛哭矢志不他後繼子又夭嗣孫穉弱韋與子婦梁共撫育之艱苦備嘗卒年玖十三

吳昭智女十歲歸黃爲養媳年十四未成婚而夫載吉歿四壁蕭然誓不他適奉養舅姑以終其身

劉宗深妻吳上榕女也年二十三孀守卒年八十有三人無間言

吳國賢妻庠生黃亨聲女也年二十歸吳逾三年而國賢卒矢志撫孤敬供婦職孀守六十載

庠生黎秉揚繼妻李氏之女附貢生其勤之母也二十于歸二十五而夫歿守志五十餘年卒年八十二

陳達才妻張氏女也二十六寡居足不履外庭其子及婦相繼亡乃取姪孫瑞續嗣其子辛劬教養比長廁武庠  
閑惠斯妻邑庠嚴品才之女也年二十四夫歿撫遺腹養孀姑慈孝兼至

王成珍妻黃氏四壁蕭然孝養舅姑承歡無缺嗣子亦不育殆節之苦者寡時年二十四現年七十有七

王慶元妻者袁世玩女也年二十三適王二十五而寡事舅姑撫嗣子安貧乏飢寒備歷志節益堅

周奇妻者陳氏女也年十九于田操作被無俚子鄧亞成按諸地將逞淫焉陳大呼叫成以左手掩其口陳嚙成大指成以右手搯其吭氣閉而死案結咨部建坊旌之



謝方端字小樓解元仲坑長女貢生劉宗衍妻幼從父宦遊授以書  
聰穎強記通鑑史工韻語長歸宗衍宗衍亦能詩倡和之樂逾於琴  
瑟也艱於嗣勸夫置妾張氏後各舉一子子三歲而孤方端鞠育恩  
勤夜紡績篝燈課之讀長遂成立太翁賢翁俱早亡三代遺規皆方  
端經營安厝晚年就養其子世馨學署諸生爭執贄問詩法時人比  
之宣文君以壽終所著小樓詩草二卷李學使調元序以行世世馨  
由優貢現任陸豐訓導次子世穆武序

梁文嫺楊始然妻梁士琮女也少嫺內則習禮明詩兼精星學嘗與  
謝方端同學三載其詩名亦亞於謝云

楊作檸妻朱氏年二十六夫故無子朱代夫孝奉翁姑現年七十有

## 六

輪水謝錦文妻李氏年二十三錦文故藐孤甫三齡逾月復舉一遺  
腹子家貧甚李蓬首垢面養老姑撫穉子自忘勞瘁姑年八十李執  
婦道維謹焉

謝能捍妻劉氏之女華亭令謝以光之子婦也能捍卒時劉年二十  
八家漸落且無子而劉勵節靡他恪守閨門鄰媪罕見其面

潭水鄧世昌妻李氏女也二十三而寡事翁姑撫遺息灌園紡績以  
供衣食

袁紹錄妻者處士邱會中女也年十九于歸生二子二十四夫卒撫  
孤孀守謹閨門勤紡績事翁姑以禮現年七十有五次子昌清邑庠  
生

陳如琨之妻韓氏之女也年二十八無子而夫卒言動不苟今七十



有四齡

吳昭純妻楊氏年二十五而寡家貧無子矢志不渝敬事翁姑凜閨  
闈之範

鍾元伯女者張鳳德未婚妻也年十三歸養於張越二歲鳳德殤鍾  
堅志守貞養舅姑立繼嗣人咸羨其冰操現年七十有三

王定傳妻劉氏之女也十七于歸生二子而夫故舅姑在堂劉孝慈  
交至子成震成校俱以入貲注名仕籍

城南汪修本之女張象瑞聘室也未婚而象瑞卒汪年十九聞訃欲  
奔喪母不可則以死自誓母勉從之家貧藉女紅以奉翁姑喪葬盡  
禮爲夫擇繼延嗣現年六十有四

林宜漢妻韋氏之女也年二十七矢志柏舟足不踰閨養姑四十年  
鄰里咸稱節孝

藍達綱妻黃氏女也年二十六生子未降而孤家貧事姑鞠子拮据  
特甚及子長有室復夭亡孀媳孤孫淒其相對節歷苦而自堅

蕭華濤之妻劉氏女也年二十四孀居閨今四十年人無議之者  
貢生王成震妻劉氏年二十九夫故屏簪珥不爲容太翁太姑年登  
九秩劉保護克謹遠近以孝聞

蕭煥然妻黃氏之女也年二十八食貧守節閨門克謹聞者敬之  
鄒權卿妻林氏年二十六矢志孀守家貧子幼灌園紡績艱苦備嘗  
而貞操愈勵

張文佳妻鄧氏女也十九歸張越八年生三子文佳卒鄧力女紅以  
給衣食敬翁姑和妯娌內外無間言



曾宏鴻妻馮氏年二十一夫故家貧無子事翁姑以孝撫繼子以慈  
閨門禮節老而彌謹現年六十有二

周士吉妻顏氏女也年十九歸周七載而夫卒與夫弟婦譚孀守事  
姑妯娌和諧謹於閨範

陳正元妻者鄧氏之女也適陳六年而寡時年二十二外無叔伯之  
親內無妯娌之助熒熒一身事孤撫息婉婉劬勞冰操克勵

劉宗灤妻張文鉅女也年十玖歸劉二十八而宗灤卒苦節二十三  
年柩外俱無異議

張朝琴妻劉世樛女武生張文洲之第三子婦也夫歿含斂畢即書  
夫姓名與其氏並爲木主示無他志遺孤甫四月五歲而殤現年六  
十有一茹淚矢貞者四十載矣

王定集妻謝氏捐職千總成愈之母也九歲爲養媳於王比成婚而  
定集卒謝年僅二十矢志不渝後家業日豐子孫蕃盛五代一堂洵  
節孝之報云

黃于楠之妻李氏女也年二十四夫歿孀居鞠子閨門無玷

李果妻者黎氏二十七而寡事老翁撫繼子各盡其道生平言笑不  
苟現年五十有九

藍映鏘妻劉氏女也夫病三載躬親藥餌無倦卒不起劉時年式十  
四勵志守義再立嗣一殤一天子婦王舉子未週歲而寡劉慰孀媳  
撫孤孫憂傷彌甚現年五十有九

龍湧洛之妻黎氏之女也十八歸龍越年舉一子而湧洛遠歿事親  
鞠子志節堪嘉



黃修獻繼妻者劉氏女也年二十伍稱未亡人禮節持躬義方訓子現年五十九子載文游於庠

黃于廷妻王氏之女也年二十干歸甫三月夫故謹守閨範孝事翁姑

邑庠黃天可妻藍氏女也十九適天可二十五而寡冰霜自勵節操克全

黃于北妻者劉氏之女也十八于歸二十二孀守閨範事翁姑以孝聞

謝榮昌妻岑氏女也二十一而夫亡甘旨以奉姑饋粥以育子人稱節孝

龍會雨妻陳氏年二十五夫與翁姑相繼逝陳孤苦無依矢志鞠子

以歿齒焉

梁相妻者嚴氏之女也年二十八而寡勤儉有壺範年五十有九黃紹平妻吳氏性端肅年二十五夫亡勵志孀守迄今孫枝繞膝焉

呂端惠妻容氏女也十八于歸生二子而孀年二十八耳聞門克謹閭里稱之

劉宗濟妻謝氏之女也既笄歸宗洙以力學得疾卒謝上事老姑下撫幼息咸有禮法子世蓮遊於庠

劉世模妻梁氏女也二十四歲夫卒膝下止一女孤榮貞守閨三十年而逝

劉世堯妻李氏女也世堯歿時李年二十二子甫二歲以養以教至於成立守志三十餘載壺範肅然



賴文元妻吳氏女也年式十式夫故子士昌纔二歲甚貧吳晝夜紡績供薪水及翁姑卒殯葬以禮士昌復不永年又撫孫成立亦節苦而貞者

曾敬達妻陳氏二十三歲歸曾越兩載夫故止生二女矢志孀守擇子秀琪秀珍入嗣翁姑臥病陳侍湯藥數月不倦鄉閭以節孝稱之卒年八十有二

何瀚妻者胡氏女也年二十八喪夫事太姑及姑以禮子汝楷受室尋亡胡與孀媳提携幼孫持家有法鄰族嘉之

城西陳嗣裘妻者順德人李氏女也年十七歸陳生一子嗣裘隨父僑居陽春旋卒李年二十五携子奔喪矢志事舅姑食貧三十餘年人言無間

嚴在惠妻謝氏女也二十八夫卒子在襁褓冰節堅持閨門謹飭嚴居華妻歲貢生麥稼軒女也夫病焚香祝天願以身代及卒哀毀不欲生時年二十七矢志孀居鉛華不御壺範肅清繼子魁第登武科

監生吳昌儀再繼之妻馮氏之女也昌儀卒時馮年式十七事姑教子持家以儉守身以禮鄰族稱嘆焉

黃其溫妻劉氏女也十六歸黃二十而其溫卒欲捐生不得自是不修容飾不與慶賀事嫡姑所生姑及庶姑奉養喪葬俱以禮閭里稱之

楊榮妻李氏之女也年二十歸榮二十六而寡長子方四齡次子遺腹生矢柏舟撫二雛不以貧苦渝其志



黃天培妻王氏十七于歸逾年夫故家窶貧不易操事翁姑撫嗣子三十餘年人莫得而疵之

梁文綱妻伍肇英女也廿齡歸梁三載夫歿遺一子僅週歲家徒四壁伍撫孤孀守風雪備嘗閱四十年志如金石

王成武妻吳氏女也夫歿時年二十四有遺腹子肇錫茹淚撫孤冀其成立甫婚娶而肇錫卒寡媳吳年方十八兩孀鍵閨勵節孤苦相依擇繼延嗣吳現年七十有三其媳守義亦三十三年時人謂之雙節

陳學聖妻古氏女也十八歸陳逾二年而寡撫養遺腹奉事孀姑節孝無忝

陳煜妻者張氏女也十九守節善事舅姑人稱貞孝

黃敷坤妻楊氏生二子敷坤歿楊年二十八潔澗養姑和丸教子闕閔不踰克盡婦道子載超廩生

吳滋薰妻譚氏之女也年二十五生子五月而夫故孀居垂三十年一志以事翁姑清白無玷

林自儒妻梁氏年二十九有二子而夫卒未幾舅姑繼亡梁撫兩幼叔成立現年五十有五亦婦道之可風者

梁煒中妻莫氏女也年十九歸於梁事後姑能體翁志無何翁姑相繼歿越一載而夫亦亡矢節靡他現年五十有五

程志華妻徐氏女也幼歸程為養媳事翁姑如父母及成婚年十八而志華卒無子徐即以是日自經

敖福女者邑城人許字周興遠興遠父病迎歸待婚未合昏而興遠



卒事舅姑三十餘年不懈現年五十有三

李若樂妻劉氏武生父煥之母也年二十子未晬而夫故矢志孀守婦道克循卒年四十四

李淮女者周廣奇之妻也父病篤有謂人肉可療者私割左臂以進而父病竟不起號泣幾絕哀毀如禮

閑天德妻謝氏年十九生子彌月而夫亡家甚貧拮据矢孀事姑鞠子皆得其道現年五十一

黃宣憲次女許字劉宗溥年十八閑宗溥殤飲泣不下閣者數日父使人廉之白履素帶宛然具矣父知不可奪歸諸劉入門撫棺數慟絕姑慰諭始忍泣就次朝夕哭奠如禮事孀姑凡寢膳事必躬必親僕御雜業不以委也姑小有恙愛護彌謹憂形於色疾愈而後復初

陽

縣志

卷一

列女

二十

人馬站大同新記印刷

如是者十年乃卒薦紳先生爲詩以傳其事

黃天詩妻蕭氏女也二十一年歸甫四月而夫卒孝事孀姑寡居十六年閨門清肅無議之者

劉蒂惠妻區氏之女也年二十二而傷夫逝事翁姑喪葬盡禮閨行可稱

劉蒂宣妻者陳氏之女也夫故時年二十二柏舟自矢嗣子石基邑諸生

吳茲文妻劉宗沔女也茲文補諸生以庚子歲肄業羊城卒劉時年二十無子志不他適

陳達邦妻黃氏十八于歸五載夫卒撫遺子孀守二十餘年於今抱孫焉



命婦附

明

關氏 梁應材母 封孺人

葉氏 吳氏 俱梁應材妻 封孺人

國朝

周氏 李惟揚曾祖母 贈一品夫人

謝氏 李惟揚祖母 累贈一品夫人

韋氏 李惟揚母 累贈一品夫人

馮氏 李惟揚母 累贈一品夫人

柯氏 李惟揚妻 累封一品夫人

李氏 戴氏 謝成勳成燾祖母 累贈恭人

劉氏 謝成勳母成燾嫡母 累贈恭人

楊氏 成燾生母 贈官人

林氏 謝成燾妻 封官人

劉氏 謝成勳祖母 累贈夫人

張氏 敖臨母 累贈夫人

楊氏 敖臨妻 累封夫人

鄧氏 李爵祖母 贈恭人

賴氏 李爵母 贈恭人

陽春縣志 卷十一 列女

廿一 大馬站大同新記承印

黃氏 劉家俊母啓鎬祖母 累贈安人

黃氏 劉家俊生母 贈孺人

黎氏 劉啟鏡生祖母 贈安人

王氏 惠成母三錫祖母 疊贈孺人

陳氏 林氏 俱謝仲坑母 贈孺人

以上見舊志

黃氏 劉榮玠祖母 贈安人

吳氏 劉榮玠母 贈安人

鄧氏 李炳文祖母 贈孺人

黎氏 李炳文母 贈孺人

張氏 謝三錫母 贈孺人

譚氏 何朝端母 封孺人

陳氏 謝祖錫母 封孺人

謝氏 劉宗濂母 贈孺人

黃氏 劉宗渡母 贈孺人

劉氏 吳光勳母 贈孺人

張氏 劉世探母 贈孺人

馮氏 林氏 俱李家翰母 贈孺人

鄒氏 黃載莊母 贈孺人

張氏 謝又翔母 贈孺人



范氏 劉啟新母 贈孺人

勞氏 謝光人嫡母 贈孺人

謝氏 劉世馨母 贈孺人

李氏 嚴日修母 贈孺人

劉氏王氏 俱藍挺秀母 贈安人

蕭氏 蔡高母 贈安人

林氏張氏 俱劉淋祖母 贈安人

葉氏 劉淋生母 贈安人

吳氏 蔡邦母 贈孺人

陳氏 以夫姪蔡高貴 封孺人

岑氏 曾縉母 封孺人

陳氏 梁元洲母 贈孺人

陳氏 謝光人生母 贈孺人

劉氏 黃申綸母 贈孺人

李氏 藍挺秀祖母 贈安人

許氏黃氏 俱蔡高祖母 贈安人

黃氏 劉士忠母 贈孺人 晉贈安人

賴氏 劉淋嫡母 贈安人

黃氏 劉淋妻 封安人

王氏 蔡邦母 封孺人

譚氏 曾縉祖母 贈孺人

張氏 蔡泰母 贈孺人

陽春縣志 卷十一 列女

捐封贈

國朝

汪氏 陽啟端母 贈安人

譚氏 劉啟錡妻 封安人

黃氏 劉宗沅妻 封安人

以上見舊志

夏氏 吳念賢祖母 贈安人

蕭氏 劉世槐祖母 贈安人

陳氏 劉世槐生母 封安人

吳氏 李家裕母 贈安人

劉氏韋氏 俱王華章母 贈安人

梁氏 劉啟鈞生母 贈安人

黃氏 劉宗沅母 贈安人

梁氏 李若機母 封孺人

莫氏 吳念賢母 封安人

黃氏李氏 俱劉世槐母 贈安人

譚氏 李家裕祖母 贈安人

陳氏 王華章祖母 贈安人

李氏 劉世杏世檀祖母 晉贈安人

廿一 大馬站大同新記承印



黃氏 劉世檀母 贈宜人

鄒氏 楊鉉鼎母 贈安人

李氏 楊鉉鼎妻 贈安人

劉氏 范丕韶祖母 贈安人

黃氏 范丕韶母 贈安人

藍氏 藍氏 俱王定柳祖母 贈安人

李氏 王定柳母 贈安人

范氏 黃昌熹祖母 贈安人

劉氏 黃昌熹母 贈安人

歐陽氏 馮承連祖母 贈安人

劉氏 馮承連母 贈安人

張氏 許氏 俱伍文濱祖母 贈安人

王氏 伍文濱母 贈安人

范氏 吳茲湯祖母 贈安人

王氏 吳茲湯母 贈安人

梁氏 嚴在行母 贈安人

梁氏 嚴在行妻 贈安人

吳氏 黃澤清祖母 贈安人

謝氏 黃澤清母 贈安人

袁氏 劉宗嚴祖母 贈安人

陽春縣志 卷十一 列女

廿二 大馬站大同新記承印

黃氏 范基才母 贈安人

吳氏 張廷構祖母 贈安人

李氏 張廷構母 贈安人

吳氏 劉世杏母 贈安人

梁氏 洪福謙祖母 贈安人

劉氏 洪福謙母 贈安人

王氏 黎氏 俱袁紹卓祖母 贈安人

劉氏 袁紹卓母 贈安人

梁氏 譚敬昭祖母 贈安人

吳氏 譚敬昭祖母 贈安人

區氏 譚敬昭前嫡母 贈安人

吳氏 譚敬昭前嫡母 贈安人

李氏 譚敬昭繼嫡母 贈安人

吳氏 譚敬昭繼嫡母 贈安人

陳氏 譚敬昭生母 贈安人

吳氏 譚敬昭生母 贈安人

崔氏 譚敬昭妻 贈安人

吳氏 譚敬昭妻 贈安人



女仙附

劉仙姑不知何許人或云產於廣西貴縣仙經所謂白石山劉三妹者唐景龍間人也邑之銅石巖有石方正如案俗名唱歌臺聞仙姑修真於此後飛昇云